

prá samráje (RV 5.85.)

prá samráje bṛhád arcā gabhírám
bráhma priyám váruṇāya śrutāya |
ví yó jaghána śamitéva cárma
upastíre pṛthivím sūriyāya || 1.

váneṣu ví antárikṣam tatāna
vájam árvatsu páya usríyāsu |
hṛtsú krátuṃ váruṇo apsú agníṃ
diví sūryam adadhāt sómam ádrau || 2.

nīcínabāraṃ váruṇaḥ kāvandham
prá sasarja ródasī antárikṣam |
téna vísvasya bhúvanasya rájā
yávaṃ ná vṛṣṭír ví unatti bhúma || 3.

unátti bhúmim pṛthivím utá dyám
yadā dugdhám váruṇo váṣṭi ád ít |
sám abhréṇa vasata párvatāsas
taviṣīyántaḥ śrathayanta vīrāḥ || 4.

imám ū ṣú āsurāsya śrutāsya
mahím māyám váruṇasya prá vocam |
máneneva tasthivám antárikṣe
ví yó mamé pṛthivím sūriyeṇa || 5.

imám ū nú kavítamasya māyám
mahím devāsya nákir á dadharṣa |
ékaṃ yád udná ná pṛṇánti énīr
āsiñcántīr avánayaḥ samudrám || 6.

aryamíyaṃ varuṇa mitríyaṃ vā
sákhāyaṃ vā sádama íd bhrátaraṃ vā |
vesám vā nítyaṃ varuṇáraṇaṃ vā
yát sīm āgás cakṛmā śísráthas tát || 7.

kitaváso yád riripúr ná dīví
yád vā ghā satyám utá yán ná vidmá |
sárvā tá ví şya śithiréva deva
ádhā te syāma varuṇa priyāsaḥ || 8.